

فيديو # ٣٥٥ من مقاطع حذر التجول تدبر سورة الواقعة # ١ الآية

٤٢-١

فاضل سليمان

السلام عليكم ورحمة الله وبركاته. اهلا بحضراتكم. في المقطع رقم خمسمية ثلاثة وخمسين من مقاطع حذر التجول والحلقة الاولى من حلقات تدبر سورة الواقعة. ارجو من حضراتكم تجميعوا المصاحف سورة الواقعة سورة مكية - [00:00:02](#)

نزلت في منتصف المرحلة المكية يعني قبل الاسراء والمعراج كده بسنة تقريبا تقريبا بعد ست سنوات من بداية نزول القرآن الكريم عدد آياتها آ ستة وتسعين عدد آيات سورة الواقعة سنة وتسعين - [00:00:30](#)

ترتيبها في المصحف آ رقم ستة وخمسين جاية في المصحف بين صورتين مدنيتين. الرحمن والحديد سورة الرحمن لسة مخلصينها امبارح تحدثت عن مشاهد يوم القيامة آ ربنا في سورة الرحمن آ قال اعوذ بالله السميع العليم من الشيطان الرجيم فاذا انشقت السماء - [00:00:53](#)

كانت وردة كالدهان سورة الواقعة بقى بدأت بالكلام عن يوم القيامة على طول. وبدأت بطريقة غريبة جدا الصورة بدأت باسلوب شرط واخرت جدا جواب الشرط نبداً. بسم الله الرحمن الرحيم - [00:01:23](#)

اذا وقعت الواقعة ليس لوقعتها كاذبة خافضة رافعة اذا من ادوات الشرط المفروض ان بعدها جملة الشرط وبعد كده جواب الشرط. يعني اما اقول اذا اداة الشرط جاء المدرس جملة الشرط - [00:01:47](#)

سكت الطلاب دي اسمها جواب الشرط لكن اما تسمع اذا جاء المدرس منتظر بقية الجملة فين بقية المعنى؟ المعنى لم يكتمل اه فكون ان يبجي اسلوب شرط بدون جواب شرط وراه على طول ده مش الاسلوب اللي العرب تعودت عليه - [00:02:10](#)

اقرا معي من الاية واحد للاية تمانية اذا وقعت الواقعة ليس لوقعتها كاذبة خافضة الرافعة. كل ده بنتكلم عن الواقعة اللي جاية فيه آ جملة الشرط لكن فين جواب الشرط؟ - [00:02:36](#)

ما فيش جواب شرط؟ يمكن هي لسه بص اذا رجعت الارض رجع. اذا تاني ده كمان اداة شرط تانية. يعني شرط تاني بيبتدي. وفيه جواب الشرط اللي فات اذا رجعت الارض رجا - [00:02:56](#)

وبثت الجبال بسا فكانت هباء منبثا وكنتم ازواجا ثلاثة كل ده لسة؟ ما فيش جواب شرطي يعني المعنى كل ده لسة ما اکتلمش اقرا معي ان الاية التمانية للاية اتناشر - [00:03:12](#)

فاحباب الميمنة ما احباب الميمنة واحباب المشأمة فما احباب المشأمة والسابقون السابقون اولئك المقربون في جنات النعيم كده بقى ده جواب الشرط انه اذا وقعت الواقعة فالسابقون المقربون هيبقوا في جنات النعيم. هو ده جواب الشرط - [00:03:33](#)

بسبب اهمية جواب الشرط تم تأخيره حتى تأخذ الواقعة حقها في الوصف اولاً تعالوا نمسك الصورة اي اية من اولها بقى تاني ارجع بقى معي من اول الصورة اقرا معي الاية واحد - [00:03:58](#)

اذا وقعت الواقعة يعني اذا حدثت الحادثة اذا كانت الكائنة هي ايه الواقعة؟ ما قالكش اذا وقعت الواقعة. يعني لما يقع اللي هيقع هي شيه سيقع لا محالة هيبداً بقى يوصفها لنا بقى دلوقتي - [00:04:17](#)

معني الاية اتنين ليس لوقعتها كاذبة ايه؟ ركز معي اوي يعني لما تقع ما حدش هيقدر يكذب ساعتها هم دلوقتي بيكذبوا القيامة يكذب البعث. لكن لما يقع الامر اذا وقعت الواقعة ساعتها ما حدش هيقدر يكذب - [00:04:40](#)

ليس لوقعتها كاذبة بس احنا كنا متوقعين تبقى ليس لوقعتها مكذب يعني ايه ليس لوقعتها كاذبة القرآن دلوقتي عشان افهمك يعني ايه ليس لوقعتها كاذبة. الطبيعي ليس لوقعتها مكذب. ما فيش حد هيكذب. لا مكذب ولا مكذب - [00:05:03](#)

لكن يعني ايه كاذبة عشان تفهم دي لازم بقى النغوص جوة النفس البشرية دلوقتي عشان نفهم هو الشخص بيكذب ليه لان نفسه بتكذب عليه مش بيقول لك حدثته نفسه ده بقى كذبتة نفسه - [00:05:31](#)

ففسه كذبت عليه وقالت له الواقعة كذب. قالت له القيامة كذب يبقى هو بيكذب لما نفسه تكذب عليه وتبقى كاذبة ليس لوقعتها كاذبة يعني ليس لوقعتها نفس كاذبة في الوقت ده تكذبتها وتجعل هناك شخص يكذبها - [00:05:58](#)

اللي ما فهمش دي يرجع دقيقة بعد ما نخلص. ويرجع الفيديو دي ويسمعها تاني. هتفهمها ان شاء الله اقرا معي الاية تلاتة خافضة الرافعة الجمال في القرآن انه بيزهر لك - [00:06:21](#)

المعاني المحسوسة بيحسها بتبقى اجسام بتتحرك يعني زي مسلا يقول لك ايه آآ سنلقي في قلوب الذين كفروا الرعب. الرعب ده معنى محسوس. مش غير محسوس. معنى لأ ده خلاه جسم - [00:06:40](#)

وكمان حركوا سنلقي في قلوب الذين كفروا الرعب. خلى الرعب جسمه وحركه مع ان كان ممكن يجي يقول لك سنرعبهم وخلص وقع سنلقي في قلوب الذين كفروا الرعب غير واقع سنرعبهم خالص. هنا بقى القيامة اصلا شيه معنوي - [00:06:57](#)

قال لك اذا وقعت الواقعة اشعر ان شيه ثقيل جدا ضخم جدا معلق وعلى وشك الوقوع وقع هيحصل ايه بقى خافضة رافعة ناس هتطير وناس هتنزل اللي تحت هيطلع واللي فوق هينزل - [00:07:18](#)

هو كده اصلا فيه ناس فوق وناس تحت بس على اسس مختلفة يعني في الدنيا في ناس فوق وناس تحت بس على اسس تانية معظم الناس اللي فوق دلوقتي فوق بسبب المال - [00:07:45](#)

السلطة الشهرة الفساد معزم الناس اللي تحت دلوقتي تحت بسبب فقرهم. تمسكهم بالمبادئ بالدين بالعقيدة فيبقى الميزان اللي ربنا وضعه مختل الميزان اختل موازيق الطريقة اللي بنوزن بها الامور وبنوزن بها الناس وبنوزن بها القيم مش هي الطريقة اللي ربنا حطها - [00:07:58](#)

ارجع معي لسورة الرحمن ربنا بيقول ايه والسماء رفعها ووضع الميزان الا تطغوا في الميزان. واقيموا الوزن بالقسط ولا تخسروا الميم فهتيجي الواقعة بقى لما تقع هي مش هتقلب الدنيا لا هي هتعدل الموازين - [00:08:22](#)

هتعدل الموازين. سترفع المؤمن المتمسك بدينه وعقيدته ومبادئه. وستخفض الكافر الفاجر المنافق الظالم اوعى تفكر انها علشان خافضة رافعة يبقى هتقلب الدنيا. لأ. دي هتعدلها ثم بقى الكاميرا القرآنية هتدخل بنا دلوقتي وتنقل لنا بعض مشاهد هذا اليوم يوم القيامة - [00:08:46](#)

اذا وقعت الواقعة خلاص وبعدين خافضة الرافعة حاسين بالتقل اللي وقع اسمع بقى اقرا معي من الاية اربعة للاية سبعة اذا رجحت الارض رجا وبست الجبال بسا فكانت هباء منبثا - [00:09:17](#)

وكنتم ازواجا ثلاثة اذا وقعت حاجة ثقيلة وقعت وخفضت ورفعت بتعمل ايه بقى؟ هتهز الارض هز. الارض هتترج اذا رجحت الارض رجا هتترج رج شديد واحد يقول لي دلوقتي ايه - [00:09:39](#)

بتألف من عندك؟ ايه رج شديد؟ ما قالتش رج شديد جبث شديد منين اذا رجحت الارض رجا يقول لك اضرب ضرب. يعني ايه الضرب ده؟ ما هو اتضرب ضرب طب لأ بس مالك اتضرب ضرب - [00:10:04](#)

جامد يبقى اذا رجحت الارض رج لما تعيد الفعل في هيئة مصدر انت بتؤكد ان الفعل كان شديد جدا اذا رجحت الارض رجا فالارض اترجت جامد جدا خمسة اقرا خمسة وبست الجبال بسة - [00:10:21](#)

يعني ايه البس؟ البس والفتفتة واحنا صغيرين كانوا بيغنوا لنا يقول لك وست ومبسبسة له بسبوسة بالمش عارف ايه وايه بسبس البس ده يعني الفتفتة ست مفتت له وبثت الجبال بسة الجبال هتتفتت. هتتفتت - [00:10:46](#)

الجبال الضخمة دي جبل ايفرس الصخور الفزيعة دي اللي الناس بتتسلقها وبيعمل له المسابقات دي بقى بس ايضا البس هو سوق

الغنم. يعني الراعي لما يسوق الغنم قدامه اسمه ببببها - [00:11:12](#)

فالفعل فيه حركة ايضاً حركة وبعد كده فتفتة وبثت الجبال بس معناها الكامل هو ان الجبال ستتحرك وتسير وتفتت وهي بتتحرك تدبرناها في سورة الطور لما تدبرنا الاية الكريمة يوم تمور السماء مورا. وتسير الجبال سيرا. يبقى الجبال - [00:11:32](#)

وتفتت ثم تتحول الى غبار زي الرماد اللي بيطيير ويتفرق ويختفي اقرا معي الاية خمسة وستة وبثت الجبال بس فكانت هباء منبثا. الهباء جايب عارفين يقول لك الهبابة اللي هو بيطلع من من الرقية بعد ما بيعملوا شاي على الراقية ولا - [00:12:06](#)

بيشوو درة ولا بتاع ببسموه ايه؟ الرماد الرماد بتاع الفحم يبقى زي قشر رفيع كده ويتنفخ والوجع على على على ايدك عملت كدهو راح ما بقاش فيه حاجة بودرة. بودرة بببب بودرة - [00:12:39](#)

بودرة. احلى كلمة. بودرة الجبال هتفتت وتبقى بودرة. هباء يتفرق شوية هوا يفرقوه ويختفي الجبال هتختفي العزيمة دي ستسير ثم تفتت ثم تختفي في الهواء كغبار او كبدة دلوقتي اللي بيسمع الوصف ده اكيد بببب - [00:12:56](#)

طب واحنا احنا هيحصل لنا ايه اقرا سبعة وانت تعرف اقرا الاية سبعة وانت تفهم وكنتم ازواجاً ثلاثة ازواج مش يعني متجوزين.

ازواج يعني اصناف هنا الخطاب التفت للناس بعد ما قعد يشرح - [00:13:24](#)

ويوصف الواقعة التفت للناس وقال وكنتم تشعرون ان فجأة انت عمال تقرا عن القيامة ومرة واحدة القرآن بص لك وكلمك. وكنتم

ازواجاً ثلاثة انتم هتبقوا ثلاث اصناف. الكلام للمؤمن والكافر - [00:13:51](#)

كلكم كده كل النبي ادمين ثلاث اصناف كلمة ازواج معناها اصناف وتقال للاصناف اللي بتزود. يعني ايه بتزوج؟ يعني بتزوج بمثل او

بمخالف يقول لك مسلا ايه آآ جوز جزمة - [00:14:10](#)

زوجنا عالي آآ او بمخالف زي مسلا الرطب واليابس الذكر والانثى. الليل والنهار. الحلو دي اسمها ازواج. لانها بتزوج بمخالف او بما فيه.

طيب طبعا تقال عن الانسان عشان مع ان احنا ذكور واناث ومؤمنين وكافرين. اذا احنا - [00:14:27](#)

طيب وكنتم ازواجاً ثلاثة يعني هتبقوا ثلاث اصناف ايه هم الثلاث اصناف دول بقى اقرا معي من تمانية اتناشر فاصحاب

الميمنة ما اصحاب الميمنة واصحاب المشأمة ما اصحاب المشأمة - [00:14:48](#)

والسابقون السابقون اولئك المقربون في جنات النعيم صنفين من في الجنة وصنف في النار اصحاب اليمين والسابقون السابقون اولئك المقربون دول ايه؟ في الجنة ده يرجعنا بقى لسورة الرحمن ونعين الجنان اللي اتكلمنا عنهم امبارح. فاكرين في سورة الرحمن

لما قرينا قول الله تعالى - [00:15:09](#)

ومن دونهما جنة وقلنا دول جنتين اقل او يعني اقل منهم وعملنا مقارنة امبارح بين النوعين من الجنات ولقينا ان فيهم نوع بالفعل

واضح انه ارقى من الثاني شوية. واجمل من الثاني شوية - [00:15:40](#)

ده طبيعى لان فيه نوعين بقى من اصحاب الجنة اهم اقرا معي الاية تمانية فاصحاب الميمنة ما اصحاب الميمنة اصحاب الميمنة وفي

نفس الصورة اسمهم اصحاب اليمين على فكرة هل بقى لانهم هياخدوا كتبهم باليمين - [00:15:59](#)

ما اعرفش هل النوم هيصبح في ايديهم اليمين نور زي ما ربنا قال في سورة الحديد ربنا قال في سورة الحديد آآ يسعى

نورهم بين اي بين ايديهم وبايمانهم. يعني هيلاقوا النور قدامهم وهم على حميد صلاح ما هو - [00:16:18](#)

النور قدامهم منور على الصراط وفي ايديهم اليمين حاجة بتنور زي هياخدوا كده ايه بطاريات او حاجة هتنور عشان ايه اللي عايز

يتفرج يمين يتفرج شمال لكن ايده اليمين هتنور في حاجة هتنور فيها - [00:16:39](#)

هل عشان كده اسمهم اصحاب الميمنة الله اعلم. ولا لان العرب بصفة عامة بتتفائل باليمين الله اعلم ثم القرآن استخدم اسلوب

الاستفهام بطريقة لطيفة جدا باقول لك عارف فلان ده بيعمل - [00:16:54](#)

وبعدين اقطع الكلام يقول لك ما فيش كلمة هتوفيه حقه خلاص يعني ما اكني بتراجع في اني اوصفه لانه مش هقدر اوصفه. او لانه

مش هتقدر تفهم فاصحاب الميمنة ها - [00:17:12](#)

ما اصحاب الميمنة هنعقول ايه اصحاب الميمنة دول ما يتوصفوش غير بكده اصحاب الميمنة اقول لك ايه بس على اصحاب الميمنة

في حاجة تخليك متشوق انك تعرف مين دول وتخليك تدرك قيمتهم العزيمة - [00:17:29](#)

اقرا معي الاية تسعة واصحاب المشأمة ما اصحاب المشأمة. نفس الكلام على الناس اللي عكسهم. الناس الشمال اصحاب الشمال واسمهم في الصورة اصحاب الشمال على فكرة العرب تسمى الشمال الايد الشمال الشؤمة - [00:17:47](#)

يعني الشاعر العربي يقول فأنحى على شؤم يديه شؤم يديه يعني ايده الشمال يعني اليد الشؤمة هي اليد الشمال. فاصحاب المشأمة يعني اصحاب الشمال هل لانهم اخدوا كتبهم بالشمال الله اعلم - [00:18:08](#)

المهم هنا القرآن اختار اللفظ الاشد. اصحاب المشأمة وخلال السورة هيقول اصحاب الشمال يعني الامر هنا يوحي بالشؤم والشؤم هو سوء الحال الشؤم يعني سوء الحال واصحاب المشأمة هاقول لك ايه بس - [00:18:27](#)

ما اصحاب المشأمة برضو ما وصفهمش دلوقتي عشان يشوقك اقرا عشرة حداثر واتناشر والسابقون والسابقون اولئك المقربون في جنات النعيم استخدم بقى اسلوب ثاني للتأكيد لما جه يتكلم عن السابقون - [00:18:48](#)

ما قالكش ايه آآ والسابقون وما السابقون او وما ادراك ما السابقون؟ لأ قال لك والسابقون السابقون السابقون دول سابقون يعني لا يوصفوا الا بالوصف بتاعهم ده يعني هم اجمل ما في الدنيا. هاقول لك ايه اكثر من كده - [00:19:16](#)

يعني دي ناس جميلة جميلة بس قررش اقول لك ما فيش حاجة تتر من كده. مش لاقى حاجة اقولها لك. السابقون دولة دول سابقون في كل حاجة. كانوا دايمًا سابقين - [00:19:38](#)

الى الخير في الدنيا. اول من اسلم مش عارف ايه. اول واحد وقف مع المظلوم ومش عارف ايه. اول من بنى مسجد في القرية ده. اول من اول من اول من اول من - [00:19:51](#)

مالك؟ السابقون دايمًا بيسابقوا الى الخيرات. ده فيه اتنين صحابة كانوا رايعين يصلوا مع الرسول عليه الصلاة والسلام في المسجد لو هم قبل ما يدخلوا المسجد وهم برة سمعوا النبي صلى الله عليه وسلم بيقرأ الاية اللي بتعلن تحول القبلة. فلنولينك قبلة ترضاها. وان - [00:20:01](#)

القبلة تحولت الى المسجد الحرام بعد ما كانت باتجاه القدس قال لك قال لصاحبه قبل ما يدخلوا المسجد تعال نصلي ركعتين بسرعة على القبلة الايه؟ الجديدة بنقى اول فاس وفعلا صلوا بقوا اول اتنين يصلوا في الاتجاه ده - [00:20:22](#)

سابقون نسبة ببقوا ايه؟ عشان كده احنا اخترنا لها في الترجمة الانجليزي بتاعة مؤسسة جصور اللي هو اول جهاز والسابقون السابقون اولئك المقربون دول هم اللي يستحقوا ان ربنا يقربهم منه. ويقربهم من الجنة - [00:20:38](#)

بس هو فيه حاجة بقى هو هل يجوز نعمل تصنيفات بين المسلمين نسمي دول السابقون ودول المقربون ودول اصحاب اليمين. ونعمل بقى جماعات بقى. دي جماعات كان النبي قال للصحابة مين هم من السابقين؟ مين السابقين فيهم - [00:21:02](#)

اخطر شيه في الدنيا هو التصنيف وتفريق الامة الله سبحانه وتعالى هنا هو اللي صنف وصنف على اساس التقوى اللي في القلب اللي لا يطلع عليها احد ربنا قال ان اكرمكم عند الله اتقاكم - [00:21:18](#)

وليس اغناكم عشان اغناكم معروفة للناس وليس اذكاكم. برضو اذكاكم بيعملوا دلوقتي مش عارف ايه ويبطلع اللي كيو بتاعك ولا اقواكم عارفين مين اقوانا ونقدر نجيب الارقام القياسية. الله! ولا اجملكم! عارفين مين اجملنا ونقدر نميزه! الله - [00:21:37](#)

كل ما يطلع عليه الناس ما ينفعش نصنف عليه اما القلوب فالله وحده هو المطلع عليها ودي قيم غير قيم الدنيا. فالله سبحانه وتعالى هو اللي صنف هنا وما حدش يقدر يدعي ان هو من السابقين ولا يدعي ان جاره من السابقين. ما حدش يقدر يدعي هذا الكلام - [00:21:55](#)

يعني بلال بن رباح العبد الاسود اللي لابس ملابس مهلهلة ومقطعة وماشي حافي ده من السابقين ومن المقربين بينما امية بن خلف المليونيير ملياردير ويملك عبيد وارضى ومحلات وتجارة وكمبونات ومش عارف ايه وقوافل طالعة - [00:22:14](#)

وقوافل رايحة اليمين. ده من اصحاب المشأمة بقيم وموازين الله وليس بموازين الناس هو كده المطلوب منك انت ايه لما تقرا الكلام ده بقى وتتدبره؟ ان قيمك تبقى هي على ميزان الله مش تبعا لميزان الناس - [00:22:35](#)

الميزان اللي ربنا وضعه لما رفع السماء وقال والسماء رفعها ووضع الميزان. انت هتقرب الناس منك على الاسس دي بتاعة الدنيا ولا على الاسس بتاعت ربنا بتاعة الاخرة. هو ده المهم - [00:22:56](#)

اقرا معي الاية اتناشر في جنات النعيم. دول هم اللي هيدخلوا جنات النعيم وهنسمع بقى جنات النعيم دلوقتي لتناشر واربعناشر ثلة من الاولين وقليل من الاخرين. مين الاولين ومين الاخرين - [00:23:10](#)

الاية ما حددتش وتركت السامع يحدد هو لما سمعها عمر ابن الخطاب رضي الله عنه وارضاه بكى قال يا رسول الله امنا بك وصدقناك ومع هذا كله من ينجو منا قليل - [00:23:32](#)

قلة من الاولين قليل من الاخرين فنظرتة لنفسه مش انه من الاولين. نظرتة لنفسه انه من الاخرين نظرتة لنفسه ان الاولين دول هم اتباع الانبياء انبياء الاسلام السابقين. اتباع عيسى ابن مريم اتباع موسى اللهم - [00:23:51](#)

هو ده مش نبي المسيحية ده مش نبي اليهودية؟ لأ يا حبيبي ده نبي الاسلام كل الانبياء انبياء الاسلام ان الدين عند الله الاسلام سيدنا محمد عليه الصلاة والسلام هو اخر رسل الاسلام. يعني كان قبل الرسل التانيين كل الرسل اصلا رسل الاسلام. وفهم عمر بن الخطاب ان ثلة من الاولين - [00:24:12](#)

هم اتباع الرسل من الامم السابقة. من بني اسرائيل ومن كل دول لكن مش لاقيينه من اتباع محمد ابن عبدالله تعامل على ان هو من الاولين ليه؟ لانه بيتعامل مع القرآن كوحى. خلي بالك - [00:24:34](#)

مش ككلام لازم يحفظه وخلص. ولا حتى يتدبروا وخلص. لا هذا وحى نازل يغير فيه. فالوحي بيكلم السامع بيوحى اليك دلوقتي لما بتقرا الكلام دوة لما ربنا يقول لك ثلة من الاولين وقليل من الاخرين - [00:24:50](#)

يعني تعتبر نفسك من الاخرين احنا بالنسبة لنا النهاردة نقول ان الاولين هم اللي قبلنا هم الصحابة والسلف الصالح والمؤمنين برضه بالانبياء التانيين. واحنا الاخرين احنا الاجيال المتأخرة تعبانة هي دي تربية النفس لا تحسن الزن بنفسك اوي كده - [00:25:06](#)

مش آآ الناس مسميين نفسهم احنا ملتزمين انا من ساعة ما بقيت مع الملتزمين ايه اللي بقيت مع ملتزمين ده؟ انت سايب نفسك ملتزم اصلا ثم بدأت السورة تحدثنا عن تفاصيل النعيم في جنات النعيم - [00:25:29](#)

اللي هيناله السابقون المقربون. اقرا معي من خمستاشر لستة وعشرين على سرر موضونة متكئين عليها متقابلين. يطوف عليهم ولدان مخلدون وابي واباريق وكأس من معين. لا يصدعون عنها ولا ينزفون. وفاكهة مما - [00:25:44](#)

ولحم طير مما يشتهون. وحوور عين كامثال اللؤلؤ المكنون. جزاء بما كانوا يعملون السرر جمع سرير على سرر موضونة السرور جمع السرير. لكن السرير مش هو السرير اللي بينام عليه. وقلنا لكم الكبد قبل كده يا جماعة. اللي بينام عليه اسمه فراش. السرير عبارة عن كنبه عريضة - [00:26:13](#)

اوي لك سرير الملك عبارة عن كنبه. بس عرضها عرض السرير تقريبا اللي هو السرير الدبل كده. ماشي؟ طيب يبقى السري اللي بينام عليه اسمه فراش باللغة العربية. آآ بتاع الطفل اسمه مهد - [00:26:44](#)

آآ انما السرير على اقرب للكنبة الكنبه بتبقى باربع رجلين لكنها عريضة جدا. بعرض الفراش فعلا تقريبا. عشان كده اخترنا لها في الترجمة بتاعة الانجليزي كلمة السانس سرر ما قلناش بادز قلنا كاوتش. على سرر موضونة متكئين عليها متقابلين. موضنا يعني - [00:26:59](#)

مذهبة حاجة كده مذهب فخمة متكئين عليها. واضح انها مريحة اوي يقعد عليها واحد مستريح. متكئ يبقى كمان عليها خدييات كده وكوشينز ومش عارف ايه. الواحد يقعد متكئ متكئين عليها. اسمع بقى دي وما تحاولش - [00:27:27](#)

متقابلين كلهم قاعدين في وش بعض ازاي ما فيش حد بيدي ظهره للتاني انت بتتكلم على ايه؟ ملايين مليارات الناس هو كده ما تحاولش تفهم الاخرة باحداثيات الدنيا الدنيا سين صاد عين والزمن. اكس واي زد وتايم. لا الاخيرة مش كده خالص. وما تحاولش تفهمها - [00:27:45](#)

لو حيل تفهمها ممكن تتجنن وادي الحي زي ما هي على سرر موضونة متكئين عليها متقابلين. الناس كلها متقابلين للتاني ابداء معي

سبعناشر يطوف عليهم ولدان مخلدون باكواب و اباريق وكأس من معين لا يصدعون عنها ولا ينزفون - [00:28:13](#)
بيسرفس عليهم جرسونات على سنجة عشرة وصفوا كده في سورة الطور ربنا قال في سورة الطور ويطوف عليهم غلمان لهم كأنهم
لؤلؤ مكنون. يقول لك ده كان جايب جرسونات عيال - [00:28:40](#)

بتبرق زي اللؤلؤ زي اللولي انتم متخيلين الصورة بتنزل على مين في الوقت ده احنا سند ستة بعد بداية نزول القرآن قبل الهجرة لسة
بسبع سنين يعني المسلمين نصهم في الغربية في الحرشة. والنص الثاني بيعذبوا في صحراء مكة. ونسبة كبيرة منهم عبيد واماء -
[00:28:58](#)

هتقعدها على الكنب مذهب ويخدمكم خدم لابسين فخم امال هم يعني لأ يعني هيقوا لابسين ايه لو الخدم لابسين مش بالشياكة دي
يعني لما يبقى الخادم لابس كده امال المخدوم هيبقى لابس ايه - [00:29:24](#)

فالسورة بيتلقاها دلوقتي واحد اصلا هدومه قطاعة وبطنه فاضية من الجوع ويقال له هذا الكلام عشان يصبر عشان يتمسك معي
سبعناشر ويطوف عليهم ولدان مخلدون الخدم دول ما بيكبروش ويعجزوا ويموتوا. لأ دول شباب على طول - [00:29:41](#)
تمتناشر باكواب و اباريق وكأس من معين بيطوفوا عليهم باكواب يعني كوابيات فيها مشروبات بقى وعصاير واشكال والوان بقى. ها
واباريق حد عايز يزود باللا ابريق اهو وادلق حط كمان وكأس كأس بيبقى كوب فتحته ضيقة ويقال كأس لو فيه خمر. لو ليس فيه
خمر ما يتقالش عليه كأس - [00:30:07](#)

تسعتاشر لا يصدعون عنها ولا ينزفون. الخمر مختلف عن خمر الدنيا. لا بتسبب صداع ولا بتسكر وتذهب العقل اتنين وعشرين فاكهة
مما يتخيرون ولحم طير مما يشتهون. فاكهة مما يتخيرون. اذا الفاكهة محطوطة ومعروضة - [00:30:32](#)

هو بيختار منها فتتقدم له شايف المنجاية اللي هناك دي انا هاتها لي جايها له طيب الشباب اللي بيطوفوا عليهم بالمشاريب دول
برضو بيقدموها لهم الفاكهة اللي هم يختاروها. ها؟ وفاكهة مما يتخيرون لكن في لحم طير - [00:30:56](#)
ما يختارش ولحم طير مما يشتهون فاكهة معروضة بيختار منها. لكن الطيور مش معروضة. يعني ايه ؟ يعني انت ما بتختارش البطة
دي فتدبح لك وتيجي لك معمولة انت عايزها بالطريقة مسلا - [00:31:16](#)

ومعاها المش عارف اللي بالصوص البني لأ لأ لأ خالص انت هتشتيهها هتجي لك مطبوخة في الطبق مش هتشوف البطة وتختارها
مش هتشوف الحمامة وتتبعها لانه ما فيش دبح في الجنة ما فيش موت اصلا - [00:31:32](#)
والحديث في البخاري ان الموت يأتي على هيئة كبش ويذبح ولا يوجد موت خلاص. ما فيش موت في الجنة. ما فيش حد ما فيش
بطة هتتدبح اللحم للحوم اللي هتستهلك في الجنة دي هتيجي منين ؟ مش مشكلتك انت - [00:31:50](#)

هل ممكن يحصل ازمة واللحوم تخلص يعني في الجنة؟ لأ. لانه ما تتعاملش مع الجنة باحداثيات الدنيا. ولحم طير مما يشتهون.
هتشتي لحم الطير هيجي لك معمول بالطريقة اللي انت عايزها. خلص الموضوع. حمام بالفريك. قدامك حمام بالفريك. لكن مش
هتختار حمامتين وهم صاحبين عشان ده مش معناه انهم مش هيتدبحوا - [00:32:05](#)

طيب نتكلم بقى في موضوع حساس شوية معي اتنين وعشرين وثلاثة وعشرين واربعة وعشرين بحور عين كامثال اللؤلؤ المكنون
جزاء بما كانوا يعملون زوجاتهم بقى هيبقوا جميلات بعيون واسعة. حور عين - [00:32:23](#)

خلي بالك يعني نساء عيونهم واسعة عين عيونهم واسعة دول نساء المؤمنين بتوع الدنيا ونساء اخريات خلقن في الجنة خلاص
طيب. دول بقى كامثال اللؤلؤ المكنون بيبرقوا كده من الجمال والنضافة - [00:32:48](#)

زي اللولي طبعا هنا بقى في نساء دلوقتي بيسمعوني وبيفركوا هي عايزة تقول لي انا مش عاوزة جوزي يكون عنده غيري في الجنة.
ينفع حور عين ولا حورتين شف يا فندم الرد من الاخر - [00:33:06](#)

كل اللي تتمنيه في الجنة هيتحقق. ايه رأيك بقى؟ ربنا قال في سورة الزمر لهم ما يشاؤون عند ربهم ذلك جزاء المحسنين وقال في
سورة قاف لهم ما يشاؤون فيها. ولدينا مزيد - [00:33:24](#)

الجنة حضرتك اللي انت عاوزاه هو اللي هيحصل ادخلي بس الجنة. وبعدين ابقي اطلبي طلباتك. ما تطلبيش هنا. عشان ده تضيع

وقت. انت اصلا ما بتصليش الفجر انت قولي لي كنت قاعد ضامنة انك داخله اصلا! الله! انت حضرتك لا انت من السابقين ولا انت من الاولين! لسة! اجتهدى كده وادخلي الجنة - [00:33:44](#)

واتمنى اللي انت عاوزاه في الجنة خلاص؟ ولو اتمنيت في الجنة ان جوزك ما يكونش عنده غيرك مش هيبقى عنده غيرك طبعا مين بقى بيفرج دلوقتي؟ جوزك مش عاجبه - [00:34:04](#)

طب وانا زبني ايه اعمل ايه علشان زوجتي ما تعملش علي الحجر ده في الجنة. اقول لك انت كمان تعمل ايه اسبقها الى الجنة ادخل قبلها الجنة واتمنى انت الاول ان زوجتك تدخل - [00:34:18](#)

شوية. بعقلية منفتحة شوية. بالقضية سباق بينكم دلوقتي في الدنيا. بدل ما كل واحد عمال يتشرط وكانكم ضامين يعني انتم خلاص وفاكرين نفسكم داخلين الجنة. لأ سابقوا بعض الى الجنة بقى دلوقتي - [00:34:33](#)

خلاص اللي هيقرب من ربنا اقدر هيدخل الاول. وهيتمنى الاول اقرا اربعة وعشرين جزء بما كانوا يعملون جزء بما كانوا يعملون الزوج والزوجة في سباق مع بعض للجنة. اكيد كل واحد فيكم بقى - [00:34:49](#)

عاوز يعرف اي اشارات ورايح الجنة ولا رايح النار. الاية بتقول لك جزء بما كانوا يعملون. شف انت بتعمل ايه في الدنيا وشوفي انت بتعملي ايه في الدنيا اصحابكم مين؟ اول حاجة تبصوا عليها. انت مصاحب مين - [00:35:06](#)

وانت مصاحباني واقعد كده واكتب يومك من الصبح بتعمل ايه رحت الشغل وجيت من الشغل لا مش هو ده اللي مقصود افكر بالدقيقة بالسانية. قابلت مين وانت نازل على السلم - [00:35:21](#)

كان افقر منك نزلت له نزرة احتقار تقليل من شأنه ولا نزره تواضع ولا شعرت ان هو ممكن يكون افضل منك عند ربنا هي دي النقطة بقى. راقب نفسك حاسبوا انفسكم قبل ان تحاسبوا. مش قاعدين تتأمروا انتم الاتنين. كل واحد عاوز ايه في الجنة - [00:35:36](#)

ما تقولش مسلا صحابي متجاوز صحابية لأ احنا حبالا كتير كده من الذين خلطوا عملا صالحا واخر سيئا عسى الله ان يتوب معي اربعة وعشرين جزء بما كانوا يعملون الجنة ومتاعها دي للي يستحقها - [00:35:54](#)

ربنا قال هل جزء الاحسان الا الاحسان؟ فالناس اللي صبرت واطاعت ربها وعفت نفسها وصدقت مع الله هل يكون جزءها الجنة بالتاكيد لأ اقول قولي هذا واستغفر الله لي ولكم - [00:36:16](#)

اللهم انا نسألك حبك وحب من يحبك وحب كل عمل يقربنا الى حبك. اللهم ما رزقتنا ما نحب فاجعله قوة لنا فيما تحب وما زويت عنا مما نحب فاجعله فراغا لنا فيما تحب - [00:36:31](#)

اللهم اجعل حبك احب الينا من اهلينا واموالنا ومن الماء البارد على الظمأ اللهم حبنا اليك والى ملائكتك وانبيائك ورسلك وعبادك الصالحين واجعلنا ممن يحبك ويحب ملائكتك وانبيائك ورسلك وعبادك الصالحين. اللهم احببنا بقلوبنا بحبك واجعلنا - [00:36:45](#)

لك ما تحب اللهم اجعلنا نحبك بكل قلوبنا ونرضيك بكل اجسادنا. اللهم اجعل حبنا كله لك وسعينا كله في مرضاتك اللهم اجعل القرآن الكريم ربيع قلوبنا ونور صدورنا وجلاء احزاننا وذهاب همومنا وغمومنا ومغفرة ذنوبنا - [00:37:08](#)

اسأل الله العلي العظيم ان يجعل هذا التدبر في ميزان حسناتي وحسناتكم جميعا اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون. فبحق كل حرف في كتابك تلوناه او - [00:37:29](#)

اكفنا واهلينا واخواننا واخواتنا شر كل من يكيد لنا ولهم. واحفظنا واياهم من شرورهم. ونجعلك اللهم في نحورهم انت الوكيل ولا حول ولا قوة الا بك اللهم بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين. وكن مع اخواننا في تركستان وفي - [00:37:45](#)

وفي كل مكان وانصر من نصرهم واخذل كل من خذلهم وطهر المسجد الاقصى من الدنس فانهم لا يعجزونك. اللهم من قضى منا بالوباء المنتشر فاكتبها له شهادة. ومن كان منا او من احبابنا او من اخواننا او من اخواتنا او من مشايخنا مريضا به او حاملا له فالبسبه ثوب الصحة والعافية - [00:38:08](#)

عاجلا غير اجل. ومن لم يصب به فقه شره وابعده عنه. ولا تسلطه الا على اعدائك واعداء دينك واعداء اوليائك اللهم انك تعلم ان هذه

القلوب قد اجتمعت على كتابك وعلى محبتك. والتقت يا ربنا على طاعتك وتوحدت على دعوتك - 00:38:28
وتعاهدت على نصره شريعتك. فوثق اللهم رابطتها وادم ودها واهدها سبلها واملأها بنورك الذي لا يخبو واشرح صدورها بفيض
الايمان بك وجميل التوكل عليك. واحيها يا ربنا بمعرفتك وامتها يا مولانا على الشهادة في سبيلك. انك نعم المولى ونعم النصير -

00:38:48

السلام عليكم ورحمة الله وبركاته. ونراكم غدا باذن الله في نفس هذا الموعد ان كنا من اهل الدنيا - 00:39:08